

Morning Dogri (NSD) National News Bulletin 23-09-2024

आकाशवाणी

- प्रधानमंत्री नरेन्द्र मोदी होरें अमरीका च बसे दे प्रवासी भारतीयें गी राष्ट्रदूत ते मुख्य दे सशक्त ब्रैंड अम्बैसडर आखेआ।
- जम्मू-कश्मीर च असैम्बली चुनाएं दे दुए गेड़ लेई चुनां प्रचार अज्ज खत्म होआ करदा ऐ।
- झारखंड च असैम्बली चुनाएं दिएं तैयारिं दा जायजा लैने लेई अज्ज भारती चुनां आयोग दी टीम झारखंड दा दौरा करोग।
- बंगलादेश कन्नै खेड्ढे जाने आहले दुए टेस्ट मैच लेई भारती क्रिकेट टीम च कोई बदलाव नेई कीता गेआ ऐ।



PM Diaspora

अमरीका च बसे दे भारतीयें गी राष्ट्रदूत आखदे होई प्रधानमंत्री नरेन्द्र मोदी होरें आखेआ जे ओह सदा थमां मुख्य दे सशक्त ब्रांड अम्बैसडर रेह न। प्रधानमंत्री होरें कल रातीं न्यूयार्क ते लॉग आईजेंड च आयोजित भारती समुदाय दे किट्ठ गी संबोधत करदे होई इआं आखेआ भारत-अमरीका दपक्खया सरबंधें गी तगड़ा करने च उंदी भूमका गी सरांहदे होई श्री मोदी होरें आखेआ पूरी दुनिया आस्तै एआई दा मतलब ऐ आर्टिकफशल इंटैलीजेंस ऐ पर उंदा मन्नना ऐ जे एआई भारती-अमरीकी जज्बे दा प्रतिनिधित्व बी करदी ऐ। प्रधानमंत्री होरें अमरीकी राष्ट्रपति जो बाइडेन आस्सेआ उनें गी अपने घर सददने पर उनें उंदा धन्नबाद करदे होई आखेआ जे एह 140 करोड़ हिंदुएं लेई मानै आली गल्ल ऐ। श्री मोदी होरें घोषणा कीती जे बोस्टन ते लॉस एंजेलिस च दो लमें भारती कॉन्स्यूलेट खोले जांगन। एहदे नै बांदे होना ऐ जे भारत नै पूरे अमरीका च बस्सने आले भारतीयें कन्नै तगड़े सरबंध कायम करने दा धेइया कीते दा ऐ। प्रधानमंत्री होरें ह्यूस्टन विश्वविद्यालय च थिरूवल्लुवर चेयर ऑफ तमिल स्टडीज शुरू करने दी बी घोषणा कीती। इस मौके पर प्रधानमंत्री होरें भारत गी विकसित मुख्य बनाने लेई पुष् मंत्र बी दित्ता। उनें आखेआ 5 थम्म रलियै विकसित भारत दा निर्माण करगंन।

श्री मोदी होरें दस्सेआ “पी” दा मकसद प्रोग्रेसिव भारत यानि विकास दी बत्ता अगड़ा बधने आला भारत “यू” दा मतलब अनस्टापएबल भारत यानि अगगे बधदे भारत गी कोई नेईं रोकी सकदा। “एस” दा मतलब सपीरिच्यूल भारत यानि आध्यात्मिक भारत, “एच” यानि हयूमैनिटी फर्स्ट भारत— मनुक्ख पैहले पैहले ते ‘पी’ दा मतलब प्रॉसपरस यानि खुशहाल, समृद्ध भारत। भारत दे सशक्त लोकतंत्र दा हवाला दिंदे होई प्रधानमंत्री होरें आखेआ जे हाल च भारत नै दुनिया दी सब्बनें शा बड्डी चुनां प्रक्रिया संपन्न कीती। उनें दससेआ जे उंदी सरकार लगातार त्रीऽ बारी फही सत्ता च आई। श्री मोदी होरें दस्सेआ जे शुरु होने दे छड़ा द’ऊं ब’रें च गै भारत दा 5^{जी} नेटवर्क अमरीका दे 5^{जी} नेटवर्क थमां व्यापक होई गेआ ऐ ते हुन भारत मेड इन इंडिया 6^{जी} नेटवर्क पर कम्म करै’रदा ऐ। प्रधानमंत्री होरें दस्सेआ जे पूरी दुनिया दे मुकाबले च भारत च कार्बन उत्सर्जन सब्बनें शा घट्ट ऐ।

<><><><><><>

PM Kuwait

प्रधानमंत्री नरेन्द्र मोदी होरें संयुक्त राष्ट्र महासभा दे बाहरें कुवैत दे युवराज शेख—अल—सवा हुंदे नै न्यायाक च अज्ज बड्डलै मुंह न्हेरै दपक्खया मीटिंग लाई। प्रधानमंत्री होरें नेपाल दे अपने समकक्ष के.पी. शर्मा ओली हुंदे नै बी मलाटी लाई। दौनें मुख्खें दपक्खी हितें दे मामलें पर चर्चा कीती।

<><><><><><>

J&K-Campaign

जम्मू कश्मीर विधानसभा चुनां दे बाकी रौंहदे दऊं गेडें दे चुनां लेईं प्रचार अभियान होर तेज होई गेआ ऐ। बक्ख—बक्ख सियासी पार्टिएं दे बड्डे बड्डे लीडर ते स्टार प्रचारक चुनां रैलियां करियै मते शा मते मतदाताएं गी अपने पक्खै च करने लेईं पूरी टिल्ल ला करदे न ते आए दिन चुनां रैलियां, रोड शो ते लोकें कन्नै मिलियै गल्लबात आले गेड लग्गा करदे न। जम्मू कश्मीर विधानसभा चुनां दे दुए गेड दे चुनां लेईं प्रचार अज्ज संजा मुक्की जाग। इस गेड तैहत केन्द्र शासत प्रदेश दे 5 जिलें च फौली दिएं कुल 26 विधानसभा सीटें लेईं अत्तरु बुधवारें 25 सितम्बर गी वोट पोआए जांगन। इनें जिले च जम्मू कश्मीर दे हरयासी, राजौरी ते पुंछ जिले ते कश्मीर घाटी दे बडगाम ते श्रीनगर जिले शामिल न।

जम्मू कश्मीर विधानसभा दे चुनां कुल त्रै गेड़ें च कराए जा'रदे न, पैहले गेड़ तैह 18 सितम्बर गी वोट पोआए गे हे ते खीरी ते त्रीए गेड़ तैहत पैहली अक्तूबर गी वोट पोआए जांगन। वोटें दी गिनतरी 8 अक्तूबर गी कीती जाग।

<><><><><><>

ECI Ranchi

भारती चुनां आयोग दा दल भारत दे मुख चुनां आयुक्त राजीव कुमार हुंदी अगुवाई च अज्जै थमां 2 रोजा रांची दा दौरा शुरु करै करदा ऐ। उत्थे ओह झारखंड च औं दे विधानसभा चुनाएं लेई तैयारिएं दा जायजा लैग। टीम च मुख चुनां आयुक्त हुंदे अलावा चुनां आयुक्त ज्ञानेश कुमार ते सुखबीर सिंह संघु होर बी शामिल न।

<><><><><><>

Industry Minister

केन्द्री उद्योग ते बपार मंत्री पीयूष गोयल होर अज्ज 19मीं भारत-अस्ट्रेलिया संयुक्त मंत्री सतह दे आयोग दी बैठक च हिस्सा लैने लेई अस्ट्रेलिया रवाना होडन। गोयल होर अस्ट्रेलिया दे बपार ते सैलसफा मंत्री डॉन फौरल हुंदे कन्नै बुधवारें बैठक दी सांझे तौर पर अध्यक्षता करडन। इस दरान दौनें मुखें बश्कार दपक्खी आर्थिक सरबंधें गी बधाने दे तौर-तरीकें पर विचार बटांदरा कीता जाहग। त्रै दि नदी इस जात्तरा दरान गोयल होर कल भारत-प्रशांत आर्थिक प्रारूप बैठक च ऑनलाईन शामिल होडन।

<><><><><><>

BCCI

भारती क्रिकेट कन्ट्रोल बोर्ड नै बंगलादेश कन्नै खेड्ढे जाने आहले दुए टेस्ट मैच लेई भारती क्रिकेट टीम दी घोषणा करी दित्ती ऐ। ताल कमेटी नै दुए टेस्ट मैच लेई टीम च कोई तब्दीली नेई कीती।

एह मैच 27 सितम्बर थमां कानपुर च खेड्ढेआ जाहग। द'ऊं मैचें दी श्रृंखला च भारत 1-सिफर कन्नै बंगलादेश थमां अग्गे ऐ। पिच्छले टेस्ट मैच च भारत नै बंगलादेश गी 280 रन्जें कन्नै शिकस्त दिक्ती ही।



PM-Consulates

प्रधानमंत्री नरेन्द्र मोदी होरें अमरीका दे बोस्टन ते लॉस एंजेलीस च 2 नमें भारतीय वाणिज्य दूतावास खोलने दी घोषणा कीती ऐ। प्रधानमंत्री होरें हाउस्टन हवश्व विद्यालय च तमिल अध्ययन आस्तै तिरुवल्लुवर पीठ खोले जाने दी बी घोषणा कीती। न्यूयार्क ने पसाऊ कोलिसियुम च भारतीय दूतावास गी संबोधत करदे होई उनें एह गल्ल आक्खी। अजे न्यूयार्क एटलेंटस, चिकागो हाउस्टन, केन फ्रांसिस्को ते सीटल च भारत दे 6 वाणिज्य दूतावास न।



US Mass Shooting

अमरीका च अलबामा दे बर्मिहाम च होई दी गोलीबारी च 4 लोकें दी मौत होई गई ते दर्जन भर लोक घायल होई गए न। मुकामी पुलास अधिकारिणं दस्सेया जे गोलीबारी दी एह घटना अद्दी रातीं थ्वां किश चिर पैहले होई ते 4 लोकें दी मौके पर गै मौत होई गई। 8 घायल लोकें दा इलाज अस्पताल च चला रदा ऐ जिदे च 4 गी गंभीर चोट लग्गी दी ऐ।



Chess

भारत नै हंगरी दे बुडापेस्ट च शतरंज ओलंपियाड 2024 च ऐतिहासिक दोहरे दोहरे सुन्ने दे तगमे जित्ते न। मर्दे ते महिलाएं दिणं टीमां शीर्ष पर रेइयां। ओपन वर्ग च मकाबले दे खीरी दौर च स्लोवेनिया दे जान सुबेलज पर अर्जुन एरिगैसी दी जित्त मगरा भारत दी पैहली खताबी जित्त पक्की होई। उस्सै'लै दूई थाहरै नी मजूद चीनी टीम नै संयुक्त राज्य अमरीका खलाफ महत्वपूर्ण पोआंट गोआए ते भारत नै अधिकारिक तौर पर खिताब अपने नां कीता। महिला वर्ग दे फाइनल च भारती महिला टीम नै अजरनैजान गी 3.5कन्नै हराइयै सुन्ने दा तगमा हासल कीता।

टीमै च हरिका द्रोणावल्ली, वैशाली रमेश बाबू, दिव्या देशमुख, वंतिका अग्रवाल, तानिया सचदेव ते कप्तान अभिजीत कुटे शामिल हे। प्रधानमंत्री नरेन्द्र मोदी होरें 45में शतरंज ओलंपियाड च भारत दिएं दौनें मर्दे ते महिलाएं दिएं टीमै आस्सेआ उत्कृष्ट खेड्ड पर मुजाहिरा करियै सुन्ने दे तगमे जित्तने पर मुबारक ते शुभकामनां भेंट कीतियां न।



NCC Conference

रक्षा राज्यमंत्री संजय सेठ नमीं दिल्ली च संयुक्त राज्य प्रतिनिधि ते एनसीसी दे उपमहानिदेशक सम्मेलन दी अध्यक्षता करडन। सम्मेलन दरान एनसीसी दे विस्तार पर मुख् करी चर्चा होग। हाल च गै एनसीसी कैडेटें दी गिनतरी 17 लक्ख थमां बधाइयै 20 लक्ख करने दा फैसला कीता गेआ। प्रतिनिधि सरबंधत नीतिएं, माली जरूरतें ते नमें सिखलाई ते शिविर स्थल कायम करने पर बी चर्चा करडन।



Telangana Chiranjeevi

साबका केन्द्री सैलसफा मंत्री ते मशहूर फिल्म अभिनेता चिरंजीवी होरें'गी गिनीज़ वर्ल्ड रिकार्ड आसेआ भारती फिल्म उद्योग च बेहतरीन अभिनेता दे पुरस्कार कन्नै सम्मानित कीता गेआ ऐ। हैदराबाद च इक कार्यक्रम च गिनीज़ वर्ल्ड रिकार्ड दे इक प्रतिनिधि नै अभिनेता होरें'गी प्रमाण पत्तर सौंपेआ।



Telangana Rain

हैदराबाद दे मौसम विभाग सरबंधी केन्द्र नै तेलंगाना दे 11 जिलें च अगले त्रै दिनें तगर तेज बरखा पौने दा येलो अलर्ट जारी कीता ऐ। प्रशासन इस स्थिति कन्नै निब्वडने दी तैयारी करै करदा ऐ। राज्य हैदराबाद सने केई जिलें च अंधी तूफान ते बिजली चमकने कन्नै इस म्हीने दी 25 तरीक तगर बरखा होई सकदी ऐ।

